



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK**

Broj: 02-35-2-2102/14.

Datum: 30.10.2014. godine

**OPĆINSKO VIJEĆE TEŠANJ**

**PREDMET: Informacija o socijalnoj zaštiti na području općine Tešanj**

Socijalna zaštita je organizovana djelatnost u Federaciji, kantonu i općini i usmjerena je na osiguranje socijalne sigurnosti građana i njihovih porodica u stanju socijalne potrebe.

Socijalnom potrebom smatra se trajno ili privremeno stanje u kome se nalazi građanin ili porodica, prouzrokovano ratnim događajima, elementarnim nesrećama, općom ekonomskom krizom, psihofizičkim stanjem pojedinca ili drugih razloga, koji se ne mogu otkloniti bez pomoći drugog lica, odnosno pomoći društvene zajednice.

U Bosni i Hercegovini stanje socijalnih potreba je snažno prisutno u društvu i to je jedan dio problema, a drugi dio problema se odnosi na kompleksnost u organizaciji socijalne zaštite. Trenutno i općina i Kanton i Federacija BiH izdvajaju sredstva za ove namjene. Općina sama finansira rad javne ustanove, naime realizovano je ukupno izdvajanje za ove namjene, uključujući i vanredna sredstva za otklanjanje posljedica od poplava iznos od **1.109.000 KM direktnih sredstava ili 14,56 % ukupnog budžeta.**

Socijalna zaštita se ostvaruje: putem Javne ustanove Centar za socijalni rad, putem udruženja građana i direktno putem organa uprave.

Informacija sadrži podatke o socijalnoj zaštiti kao osnovnoj djelatnosti JU Centar za socijalni rad Tešanj sa osnovnim i proširenim pravima iz socijalne zaštite, i dodatne vidove podrške socijalnoj zaštiti putem udruženja građana i putem organa uprave.

Dodatni vid podrške socijalnoj zaštiti direktno putem organa uprave je: sanacija i adaptacija stambenih prostora socijalno ugroženih lica, jednokratne materijalne pomoći putem organa uprave, sredstva za podjelu robnih paketa najugroženijim licima. ("Grantovi socijalne zaštite i pomoći" Budžeta Općine Tešanj za 2014. godinu, iznos 133.500 KM).

Socijalnu zaštitu na području općine Tešanj provode različita udruženja građana, što daje veliki doprinos za podizanje kvaliteta življenja naših građana. Jedno od značajnih udruženja je NHU „Oslonac“ koje svojim djelovanjem doprinosi rješavanju stambenog zbrinjavanja najugroženijih kategorija stanovništva.

Dodatni vid podrške socijalnoj zaštiti putem udruženja: Organizacija porodica šehida i poginulih boraca redovno vrši obilazak bolesnih članova i njihovih porodica, Organizacija ratnih vojnih invalida obilazi članove na kućnom i bolničkom liječenju i pruža finansijsku pomoć najugroženijim članovima, UABNOR Tešanj ukazuje pomoć bolesnim članovima u nabavci lijekova, kao i novčane pomoći najugroženijim, JOB Unija veterana rješava socijalno-statusne probleme članstva, UG invalida rada općine Tešanj obilazi bolesne članove koji su u teškoj materijalnoj situaciji, učestvuje u brojnim humanitarnim akcijama, UG „Održiv povratak“ Tešanj rješavaju povratničke probleme (iniciraju pomoć, vrše izbor korisnika svih vidova pomoći, sačinjavaju spiskove), najveći dio dotacije od Općine se dijeli kroz jednokratne pomoći za liječenje, pomoć u sahrani i drugo, Crveni križ realizuje pomoć dobrovoljnim davaocima krvi, prikupljaju pomoć za bolesne i dr, Crveni polumjesec pomoć

najugroženijim starim licima i pomoć za liječenje teško oboljelih osoba, NHU Oslonac djelatnost je usmjerena isključivo u stambeno zbrinjavanje socijalno ugroženih lica koja nemaju riješeno stambeno pitanje niti mogućnost da ga samostalno riješe zbog nepostojanja prihoda, ili iz drugih razloga, UG Penzionera pruža pomoć za kupovinu lijekova i posmrtnine, jednokratne novčane pomoći, nabavka uglja za članstvo i dr.

Informacijom o radu i poslovanju udruženja građana na području općine Tešanj za 2014. godinu detaljno će biti obuhvaćeni i izvještaji o radu Udruženja od posebnog interesa (određena Odlukom o proglašenju udruženja od posebnog interesa, „Službeni glasnik općine Tešanj“ br: 9/06 i Odlukom o raspodjeli novčanih sredstava udruženjima od posebnog značaja za općinu Tešanj, broj: 02-14-7-113/14, novčana sredstva na stavci “Grantovi udruženjima od posebnog značaja za općinu Tešanj“ Budžeta Općine Tešanj za 2014. godinu iznos 79.200,00 KM).

Općinskom vijeću na usvajanje predlažemo slijedeći zaključak:

**1. Prima se na znanje Informacija o socijalnoj zaštiti na području općine Tešanj za 2014. godinu.**

Prilog: Informacija o socijalnoj zaštiti na području općine Tešanj, (položaj građana u socijalnoj potrebi, djeci i omladini sa posebnim potrebama), JU Centar za socijalni rad Tešanj.

**OBRADIVAČ**

Služba za društvene djelatnosti  
i investicije

**Azra Muslija, dipl. pravnik**

**PREDLAGAČ**

OPĆINSKI NAČELNIK

**Mr.sci. Suad Huskić, profesor**